



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Illvstrissimo Ac Reverendissimo Domino D. Ferdinando De Rye
Bisvntinensi Archiepiscopo S. R. Imperii Principi, &c.

[urn:nbn:de:hbz:466:1-78322](#)



ILLVSTRISSIMO AC REVERENDISSIMO DOMINO D. FERDINANDO DE RYE BISVNTI

Bibliotheca nensi Archiepiscopo S. R. Imperii Principi, &c.
Irum Capucitorum Paderbornensium

TCVBRATIONES nostras practicæ Theologiæ summam contine-
nentes, tuæ dignitatis excellētia, principatus amplitudo, generis
denique splendor (Archipræsul Reuerendissime) sibi summo iure
vendicarunt. Sustinui opus quod licuit, & pluribus licet annis
pressum, quam Lyricus ille moneat: nec sic tamen in animo esset,
ancipi iudiciorum aleæ committere, si rem priuatis rationibus, &
non Dei, proximiq; charitate metirer: sed mentem meam cum Dei
gloria animarumque salute coniunctam, omnibus probatum iri
confidi, si nominis tui præsidio muniretur, autoritateq; sanctiretur. Hæc vna nimurum
causa, vt cæteræ abessent, sat̄ forter, vt te potissimum, hisce nostris commendationibus
Patronum aduocarem: quippe qui animum induxerim sub tantis auspiciis, & splendore
tanto, opus obscurum sine cuiusquam insimulatione posse prodire. Sed alia sunt nomi-
na, Princeps Illustrissime, ac imprimis tua, familiæque tuæ clatissimæ in nostrum Ordini-
nem prolixissima iampridem voluntas, nec vulgaria merita: quæ faciunt, vt neque Bur-
gundo homini exterritis censeris debeas; neque à me Societatis alumno, præteriri. Ecquis
non videt, vt alios omittam Illustrissimi Marchionis à Varambon, te patruo digni nepo-
tis, ac fratrū propensum in nos animum? Aut qua ratione tuis, tuorumque in nos sin-
gularibus meritis, aliquid dignum remetiri possimus, nisi prædicationem, & quamcum-
que grati animi significationem? Quod ad me attinet, iniquus essem profecto, si tam
studioso Societatis Patrono non studerem, si tam amantem non redamareim, & aliquo
propensâ voluntatis testimonio non prosequerer: nec enim, quia id, quod debeo, haud
possum: debeo id, quod possum prætermittere. Accipe igitur (Antistes Reuerendissime)
hoc, qualecumq; est, nostræ voluntatis officium, exiguum quidem, sed ex magna tamen
tui obserandi voluntate profectum; eo præsertim tempore tibi deuotum oblatumque,
quo in te omnium vota conspirarunt: scilicet ea Visitatione quâ proxime gregem tuum
Dolæ lustrasti laboribus permultis exhaustis, miroque sensu pietatis ac exemplo, nec im-
pari fructu id assécutus es, vt te verè *μονίμως λαός*, huc quasi de cœlo demissum conspirante
consensu, suspexerint vniuersi. Has intergratulationes, publicamque celebritatem me-
ritorum tuorum, nihil habui dignius hoc labore meo, quod admiscerem. Patere tantum
sub tui nominis tutelâ in lucem, conspectumque fidelium, quorum saluti studeamus, exi-
re; & si quid ex eo fructus, *vti sp̄ero*, decerpetur, tibi debetur, tibi secundum Deum refe-
retur acceptum.

VESTRÆ CELSITUDINIS

Humilis in CHRISTO seruus

VALERIVS REGINALDV^S
e Societate IESV.